



Broj: 16-12-16-2-4442-14/16
I. Sarajevo, 14. 09. 2016. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 25. stav (1) tačka f) i g), člana 69. stav (2) tačka d) i člana 70. Zakona o javnim nabavkama („Službeni glasnik BiH”, broj 39/14), na preporuku Komisije za provođenje postupka javne nabavke motornih vozila za potrebe Državne agencije za istrage i zaštitu broj 16-12-16-2-4442/16 od 12.09.2016. godine, u otvorenom postupku javne nabavke motornih vozila sa uslugom održavanja u periodu važenja garancije za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača za LOT 1, LOT 2 i LOT 3 i poništenju postupka javne nabavke za LOT 4 u otvorenom postupku za dostavljanje ponuda za javnu nabavku motornih vozila sa uslugom održavanja u periodu važenja garancije za potrebe Državne agencije za istrage i zaštitu

Član 1.

Prihvata se preporuka Komisije za provođenje postupka nabavke motornih vozila za potrebe Državne agencije za istrage i zaštitu broj 16-12-16-2-4442/16 od 12.09.2016. godine, u otvorenom postupku za dostavljanje ponuda za javnu nabavku motornih vozila sa uslugom održavanja u periodu važenja garancije za potrebe Državne agencije za istrage i zaštitu i ugovor o kupoprodaji dodijeli i to za:

- LOT 1 - Nabavka 20 putničkih vozila Tip A, ponuđaču „Blok“ d.o.o. Sarajevo, broj ponude 16-12-16-2-4442-6/16 od 29.08.2016. godine, za ponuđenu cijenu 409.914,60 KM bez uračunatog PDV-a;

- LOT 2 - Nabavka 10 putničkih vozila Tip B, ponuđaču „Auto centar Betanija“ d.o.o. Sarajevo, broj ponude 16-12-16-2-4442-5/16 od 29.08.2016. godine, za ponuđenu cijenu 226.400,00 KM bez uračunatog PDV-a;

- LOT 3 - Nabavka četiri putnička vozila Tip C, ponuđaču „Auto centar Betanija“ d.o.o. Sarajevo, broj ponude 16-12-16-2-4442-7/16 od 29.08.2016. godine, za ponuđenu cijenu 128.000,00 KM bez uračunatog PDV-a.

Član 2.

Poništava se postupak javne nabavke za LOT 4 - Nabavka jednog specijalnog putničkog kombi vozila za potrebe Državne agencije za istrage i zaštitu.

Član 3.

Ponuđači „Blok“ d.o.o. Sarajevo i „Auto centar Betanija“ d.o.o. Sarajevo obvezni su ugovornom organu u roku od pet dana od dana prijema ove odluke dostaviti dokaze o ispunjavanju uslova iz tačke 13.1. i 14.2. Tenderske dokumentacije (original ili ovjerena kopija), ne starije od tri mjeseca, računajući od dana dostavljanja ponude.

Član 4.

Odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

Član 5.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke motornih vozila sa uslugom održavanja u periodu važenja garancije za potrebe Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-2-4442-1/16 od 11.07.2016. godine. Procijenjena vrijednost je 842.000,00 KM bez uračunatog PDV-a. Postupak javne nabavke proveden je putem otvorenog postupka za koji je obavještenje o javnoj nabavci objavljeno na Portalu javnih nabavki, broj 1161-1-1-566-3-40/16 od 14.07.2016. godine i u „Službenom glasniku BiH“, broj 53/16. Novčana sredstva su predviđena u okviru budžetskih sredstava za 2016. godinu, te Planom javnih nabavki građevina i opreme Agencije za 2016. godinu.

Predmet javne nabavke podjeljen je na lotove i to:

- LOT 1 - Nabavka 20 putničkih vozila Tip A, procijenjene vrijednosti 410.000,00 KM bez uračunatog PDV-a;
- LOT 2 - Nabavka 10 putničkih vozila Tip B, procijenjene vrijednosti 230.000,00 KM bez uračunatog PDV-a;
- LOT 3 - Nabavka četiri putnička vozila Tip C, procijenjene vrijednosti 130.000,00 KM bez uračunatog PDV-a;
- LOT 4 - Nabavka jednog specijalnog putničkog kombi vozila, procijenjene vrijednosti 72.000,00 KM bez uračunatog PDV-a.

Komisija za provođenje postupka javne nabavke motornih vozila (u daljem tekstu: Komisija), sačinila je i dostavila izvještaj o radu Komisije u postupku javne nabavke motornih vozila sa uslugom održavanja u periodu važenja garancije za potrebe Agencije, sa preporukom o izboru najpovoljnijeg ponuđača.

Obzirom da je tačkom 25. Tenderske dokumentacije navedeno da je rok za dostavljanje ponuda 29.08.2016. godine do 12,00 sati, te da se ponude dostavljaju u zatvorenoj koverti, Komisija je dana 29.08.2016. godine u 13,00 sati izvršila javno otvaranje ponuda prema datumu i vremenu prijema, numerišući kovertu. Javnom otvaranju ponuda prisustvovao je ovlaštenu predstavnik ponuđača „Blok“ d.o.o. Sarajevo.

Blagovremeno je dostavljeno ukupno pet ponuda i to:

R/B	Naziv ponuđača	LOT	Podkriterij koji se vrednuje unutar kriterija ekonomski najpovoljnije ponude	Ukupna cijena bez PDV-a	Ponuđeni popust
1.	„Porsche BH“ d.o.o. Sarajevo	LOT 4	1. Cijena: 90 bodova	72.000,00 KM	/
			2. Troškovi održavanja: 10 bodova	/	/


2.	„AC Nešković“ d.o.o. PJ Banja Luka	LOT 2	1. Cijena: 90 bodova	221.403,50 KM	/
			2. Troškovi održavanja: 10 bodova	1.041,66 KM	/
		LOT 3	1. Cijena: 90 bodova	129.914,52 KM	/
			2. Troškovi održavanja: 10 bodova	1.494,37 KM	/
3.	„Blok“ d.o.o. Sarajevo	LOT 1	1. Cijena: 90 bodova	409.914,60 KM	/
			2. Troškovi održavanja: 10 bodova	2.446,31 KM	/
4.	„Auto centar Betanija“ d.o.o. Sarajevo	LOT 2	1. Cijena: 90 bodova	226.400,00 KM	Popust od 25,4665% uračunat u cijenu
			2. Troškovi održavanja: 10 bodova	1.025,65 KM	/
		LOT 3	1. Cijena: 90 bodova	128.000,00 KM	Popust od 27,44% uračunat u cijenu
			2. Troškovi održavanja: 10 bodova	1.025,65 KM	/
5.	„Berlijeta“ d.o.o. Visoko	LOT 2	1. Cijena: 90 bodova	229.914,57 KM	Popust od 63.462,23 KM uračunat u cijenu
			2. Troškovi održavanja: 10 bodova	1.112,48 KM	/
		LOT 3	1. Cijena: 90 bodova	129.027,32 KM	Popust od 54.110,32 KM uračunat u cijenu
			2. Troškovi održavanja: 10 bodova	1.112,48 KM	/

Komisija je nakon otvaranja ponuda u smislu člana 63. stava (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen pregledanjem dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđači „Blok“ d.o.o. Sarajevo (LOT 1), „Auto centar Betanija“ d.o.o. Sarajevo (LOT 2 i LOT 3), „Berlijeta“ d.o.o. Visoko (LOT 2 i LOT 3) i „AC Nešković“ d.o.o. PJ Banja Luka (LOT 3), ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Također, Komisija je utvrdila da ponuđači ispunjavaju i formalno-pravne uslove postavljene u Tenderskoj dokumentaciji.

Uvidom u ponudu ponuđača „Porsche BH“ d.o.o. Sarajevo Komisija je utvrdila da isti ne ispunjava kvalifikacione uslove postavljene tačkom 19. Tenderske dokumentacije, obzirom da isti u Obrascu za cijenu ponude za LOT 4 Prilog IIIa (Plan održavanja koji uključuje troškove redovnih servisa u periodu važenja garancije-garantnom roku odnosno na period od četiri godine/minimalno za 120.000 pređenih kilometara) nije iskazao ukupnu cijenu ponude bez PDV-a. Navedeni ponuđač ne ispunjava i kvalifikacione uslove iz člana 49. Zakona, a koja se odnosi na tehničku i profesionalnu sposobnost, obzirom da dostavljeni katalog

ponuđenih motornih vozila nije dostavljen na jednom od službenih jezika u Bosni i Hercegovini kako je traženo. Takođe, utvrđeno je i da ponuđač „Porsche BH“ d.o.o. Sarajevo nije dostavio Izjavu o garantnom roku u skladu sa tačkom 10. Tenderske dokumentacije, nego je isti dostavio Izjavu o garantnom roku na period od dvije godine bez obzira na broj pređenih kilometara. Obzirom na navedeno ponuda ponuđača „Porsche BH“ d.o.o. Sarajevo nije uzeta u dalje razmatranje.

Uvidom u dostavljenu ponudu ponuđača „AC Nešković“ d.o.o. PJ Banja Luka, Komisija je utvrdila da navedeni ponuđač za LOT 2 ne ispunjava kvalifikacione uslove postavljene tačkom 9. Tenderske dokumentacije. Naime, tačkom 9. Tenderske dokumentacije, u tehničkoj specifikaciji za LOT 2 - Nabavka 10 Putničkih vozila Tip B, pod stavkom Oprema na vozilu mora ispunjavati sljedeće minimalne uslove navedeno je sljedeće: „četiri dodatne zimske gume (za svako vozilo) ukoliko se vozilo isporučuje sa ljetnim gumama. Zimske gume moraju biti od istog proizvođača auto guma kao i ljetne“. Ponuđač „AC Nešković“ d.o.o. PJ Banja Luka u dostavljenoj ponudi za LOT 2 - Nabavka 10 Putničkih vozila Tip B pod stavkom: dodatna oprema (u cijeni ponuđenog vozila) je naveo i ponudio sljedeće: „Svesezonske gume za sva doba (zima-ljeto) sa M+S i  oznakom isporučene sa vozilom (QTT)“. Komisija je aktom broj 16-12-16-2-4442-12/16 od 08.09.2016. godine od ponuđača „AC Nešković“ d.o.o. PJ Banja Luka za LOT 2, zatražila pismeno pojašnjenje dostavljene ponude, a koja se odnosi na ponuđene gume, budući da iz dostavljene ponude nije jasno da li će ponuđene gume biti isporučene odnosno montirane na svakom pojedinačnom vozilu (po četiri za svako vozilo) prilikom isporuke bez ljetnih guma ili će biti isporučene kao dodatna oprema (40 guma) uz standardni paket sa ljetnim gumama kao što je navedeni ponuđač ponudio za LOT-3 gdje je precizno navedeno „4 dodatne zimske gume istog proizvođača kao i ljetne gume koje fabrički dolaze na vozilu“. Ponuđač „AC Nešković“ d.o.o. PJ Banja Luka aktom broj 0909/16 od 09.09.2016. godine dostavio je pojašnjenje u kojem je naveo da će isporučiti vozila sa fabrički namontiranim svesezonskim gumama po preporuci proizvođača vozila, te da nije u obavezi dodatno isporučiti četiri zimske gume (za svako vozilo), pošto se ne isporučuje vozilo sa fabrički namontiranim ljetnim gumama. Obzirom na navedeno pojašnjenje, u skladu sa članom 68. stav (4) tačka f) Zakona, ponuda ponuđača „AC Nešković“ d.o.o. PJ Banja za LOT 2, nije uzeta u dalje razmatranje.

U toku ekonomske ocjene dostavljenih ponuda kod ponuđača „Berlijeta“ d.o.o. Visoko u Obrascu za cijenu ponude za LOT 3, konstatovala grešku računске prirode. U Obrascu za cijenu ponude za LOT 3, ukupna cijena ponude sa popustom bez PDV-a koja se dobije oduzimanjem vrijednosti, ukupna cijena bez PDV-a koja iznosi 183.683,00 KM – popust % koji iznosi 54.110,32 KM, upisan je iznos 129.027,32 KM, a treba da stoji 129.572,68 KM (razlika 545,36 KM). Obzirom da su konstatovane greške računске prirode, Komisija je aktom broj 16-12-16-2-4442-10/16 od 02.09.2016. godine, u skladu sa članom 17. st. (1), (3) i (5) Uputstva za primjenu modela tenderske dokumentacije i ponuda (»Službeni glasnik BiH«, broj 90/14), zatražila prihvatanje ispravke grešaka računске prirode u Obrascu za cijenu ponude za LOT 3. Ponuđač „Berlijeta“ d.o.o. Visoko je aktom od 02.09.2016. godine potvrdio da prihvata grešku računске prirode, tako da ponuda ponuđača „Berlijeta“ d.o.o. Visoko za LOT 3 iznosi 129.572,68 KM bez uračunatog PDV-a.

Nakon pregledanja dokumentacije priložene uz dostavljene ponude, Komisija je u skladu sa tačkom 22. Tenderske dokumentacije ocijenila ponude kvalifikovanih ponuđača primjenjujući kriterij ekonomski najpovoljnije ponude sa sljedećim potkriterijima koji se vrednuju sa relativnim učešćem, kao i razrađenom metodologijom za vrednovanje ponuda i to: cijena ponude (90 bodova) i troškovi održavanja (10 bodova).

Komisija je primjenjujući kriterij ekonomski najpovoljnije ponude u skladu sa članom 64. Zakona, sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

R/B	LOT	Naziv ponuđača	Cijena ponude bez PDV-a	Ukupan broj bodova za ponuđenu cijenu (CP)	Cijena troškova održavanja u garantnom periodu	Ukupan broj bodova troškovi održavanja (TO)	Ukupni broj bodova ponude UBP = CP + TO
1.	LOT 1	„Blok“ d.o.o. Sarajevo	409.914,60 KM	90,00	2.446,31 KM	10,00	100,00
2.	LOT 2	„Auto centar Betanija“ d.o.o. Sarajevo	226.400,00 KM	90,00	1.025,65 KM	10,00	100,00
		„Berlijeta“ d.o.o. Visoko	229.914,57 KM	88,62	1.112,48 KM	9,22	97,84
3.	LOT 3	„Auto centar Betanija“ d.o.o. Sarajevo	128.000,00 KM	90,00	1.025,65 KM	10,00	100,00
		„Berlijeta“ d.o.o. Visoko	129.572,68 KM	88,91	1.112,48 KM	9,22	98,13
		„AC Nešković“ d.o.o. PJ Banja Luka	129.914,52 KM	88,67	1.494,37 KM	6,86	95,54

Nakon provednog postupka ocjenjivanja dostavljenih ponuda, Komsija je utvrdila da je ponuda ponuđača „Blok“ d.o.o. Sarajevo ocijenjena kao najpovoljnija ponuda za LOT 1, ponuda ponuđača „Auto centar Betanija“ d.o.o. Sarajevo ocijenjena kao najpovoljnija ponuda za LOT 2, da je ponuda ponuđača „Auto centar Betanija“ d.o.o. Sarajevo ocijenjena kao najpovoljnija ponuda za LOT 3, te da iste ne podliježu primjeni preferencijalnog tretmana domaćeg, dok za LOT 4 primljena ponuda nije prihvatljiva.

Shodno navedenom, prihvaćen je prijedlog Komisije i odlučeno je da se predmetni ugovori dodijele za LOT 1 - Nabavka 20 putničkih vozila Tip A ponuđaču „Blok“ d.o.o. Sarajevo, za LOT 2 - Nabavka 10 putničkih vozila Tip B ponuđaču „Auto centar Betanija“ d.o.o. Sarajevo i LOT 3 - Nabavka četiri putnička vozila Tip C ponuđaču „Auto centar Betanija“ d.o.o. Sarajevo, kako je navedeno u članu 1. ove odluke, a da se poništi postupak javne nabavke za LOT 4 - Nabavka jednog specijalnog putničkog kombi vozila, obzirom da primljena ponuda nije prihvatljiva, shodno članu 69. stav (2) tačka d) Zakona.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 5x;
- Sektoru za mat.-fin. poslove;
- a/a.

